



Republika e Kosovës
Republika Kosova - Republic of Kosovo
Komisioni Qendror i Zgjedhjeve
Centralna Izborna Komisija
Central Election Commission



PROCESVERBAL NGA MBLEDHJA E KOMISIONIT QENDROR TË ZGJEDHJEVE

Nr. 33

Datë: 08. 07. 2020. Ora: 14:00
Vendi: Selia e KQZ-së/ Prishtinë.

Kryesuese e mbledhjes: Valdete Daka, kryetare

Në mbledhje morën pjesë anëtarët e KQZ: Sami Kurteshi, Alim Rama, Arianit Elshani, Ibrahim Selmanaj, Eshref Vishi, Rifat Krasniq, Čemailj Kurtiši.

SKQZ: Yll Buleshkaj, u.d. i Kryeshefit

Përkthyes: Argjina Misini
Procesmbajtës: Fehmi Ajvazi.

RENDI I DITËS

- 1. Hyrje: znj. Valdete Daka, Kryesuese e mbledhjes së KQZ-së**
 - 2. Shqyrtimi dhe miratimi i Planit të Veprimit për adresimin e rekomandimeve të Zyrës Kombëtare të Auditimit**
 - 3. Shqyrtimi dhe miratimi i Raporteve të Auditorit të Brendshëm në KQZ**
 - 4. Të ndryshme**
-

1. Hyrje: znj. Valdete Daka, Kryesuese e mbledhjes së KQZ-së

Valdete Daka: Mirë se keni ardhur në mbledhjen e 33-të të KQZ-së ? A e miratojmë rendin e ditës, nëse nuk ka vërejtje! Anëtarët e KQZ-së, miratuan rendin e ditës.

Vazhdojmë me pikën e parë. Urdhëro Yll...

2. Shqyrtimi dhe miratimi i Planit të Veprimit për adresimin e rekomandimeve të Zyrës Kombëtare të Auditimit

Yll Buleshkaj: Ne, kemi pranuar më 11 të muajit qershor raportin nga Zyra e Auditimit dhe brenda afatit prej 30 ditë, ta dërgojmë një plan te kjo zyre për zbatimin e këtyre rekomandimeve. Po shpresoj të keni pasur kohë ta shikoni! I kemi 4 rekomandime...

Rekomandojmë që t'i aprovoni, kështu siç i kemi paraqitur!

Arianit Elshani: A janë imputet edhe prej auditorit të brendshëm ?

Alim Rama: A jemi duke fol për periudhën e njëjtë të auditimit, 2019: s'i te auditori i brendshëm, si te auditori i jashtëm.

Valdete Daka: Kjo është me kërkesë tonë...!

Alim Rama: Unë kam pyetje: te rekomandimet, kryetarja... (duhet me qenë "kryesuesja"). Unë, nuk po shoh askund në ligj që kryetarja e KQZ ka rol të veçantë në menaxhimin e Financave Publike. Nëse këtë rol e merr kryesuesja, ne s'kemi mundësi me e mbikëqyrë. Unë, propozoj që këtë rol ta ketë Krye shefi, ose Sekretariati...

Sami Hamiti: Ligji i Auditimit s'ka të bëjë me Ligjin mbi Financat Publike. Këtu, vetëm i drejtohet kreut të institucioneve. Kaq...

Sylejman Gashi: Është obligimi sekretariati për me zbatua një plan veprimi mbas 1 muaji. Çështja, e të gjeturave e këtij raporti, është kurdo që ju merreni vesh. Mendoj, që sot është çështja të diskutohet plani...

Valdete Daka: Vazhdojmë me planin, me diskutimin e këtij plani. E kemi rekomandimin e parë: "Paga dhe mëditje", është rekomandimi dhe veprimet që i ka përshkruar Sekretariati. A ka dikush...?

Eshref Vishi: Ne jemi brenda afatit ligjor kur duhet që Sekretariati ta bëjë planin e veprimit mbi bazën e rekomandimeve të Zyrës së Auditorit të Përgjithshëm. Është në rregull sepse Sekretariati i ka përpunuar të gjitha rekomandimet, gjetjet e raportit, dhe është deklaruar për afatshmërinë e zbatimit të këtyre rekomandimeve. Ajo që ne na intereson si KQZ, është që Sekretariati të veproj brenda afatit – brenda afatit që i ka paraparë për t'i ndërmarrë për zbatimin e secilit rekomandim. Ne, jemi pro këtyre afateve,

dhe ne duhet ta përcjelim punën e Sekretariatit. Nganjëherë, në të kaluarën ato nuk janë përmbushur, sidomos ato rreth punësimeve...!

Almi Rama: Gjetja është e qartë: nuk janë zbatue procedurat e rekrutimit të stafit të përkohshëm! Pra, afati duket të jetë më 31 tetor, pse Sekretariati e kufizon vetën. Duhet të ndërrohet praktika për këtë proces, dhe për proceset e ardhshme...

Yll Buleshkaj: Edhe me ligj jemi të lejuar me procedura të shkurtuara, por ne duhet të kemi një procedurë të rregullt se s'i duhet të zgjidhet stafi jo i rregullt. Pra, ne kemi afat që deri më 31 tetor, t'i kryejmë procedurat për rekrutim...Ne, këtë duhet ta kryejmë: patëm apo nuk patëm zgjedhje...

Arianit Elshani: E kam lexuar këtë pikë me vëmendje, mirëpo kam vërejtë se në këtë pikë mungon roli i Këshillit të Personelit. Këtu, edhe me rregullore është që komisioni duhet të përfshihet sepse, është edhe në kompetencën e tij... Sidomos, për stafin jo permanent...

Sulejman Gashi: Po, nga i pari duhet të jetë Komisioni për Personel...

Në shqyrtim të kësaj pike, diskutuan: Valdete Daka dhe Eshref Vishi.

Valdete Daka: Nëse nuk kemi tjetër të diskutojmë, atëherë e hedh në votim. Kush është për aprovimin e këtij plani të veprimit...?

Me 2 vota abstenim, anëtarët e KQZ-së prezent aprovuan Planin e Veprimit për Adresimin e Rekomandimeve të Zyrës Kombëtare të Auditimit.

3.Shqyrtimi dhe miratimi i Raporteve të Auditorit të Brendshëm në KQZ

P.s. Kjo pikë e rendit të ditës, është shqyrtuar me dyer të mbyllura për shkak se e gjitha, ka të bëjë me Sekretariatit.

4. Të ndryshme!